

عدد

٦

مؤلفی :

مولیر

ناقلی :

دقیقہ یاسا

طابعی

مترجم

کتابخانہ سی

بمالی جادہ سندھ

فیضانی :

۲۵

غروش

مولیر آثار کلیاتی :

٦



مراتی



اشخاص

رحلتی	مراقی
جلما	ایکنجی زوجہ سی
سلما	کریمہ سی و عمادینک معشوقہ سی
حسنہ	کوچوک کریمہ سی
سماد	مراقینک برادری
عمادی	سلمانک عاشق
لینتی	طیب
طامنر لینتی	اوغلی و سلمانک نامزدی
حقتی	حکیم باشی
زهرانی	اجزاجی
صدقی	کاتب
خیفہ	جاریہ

مراتی

برنجی فصل

برنجی مجلس *

رحلتی (یا لکز)

رحلتی — برما صه نك يانه او طور مشدر، النده اجزا جيسنك
حسابلرينى حارى كاغد واردر، كندى كندينه سويلنه رك
حسابلرى ياپار — ايكي اوچ داهبا بش، بش داهبا اون، سـكـز
داهبا اون سـكـز؛ كـذلك دردى چهارشنبه كـونـدن افـنديـنـك
امعا و او عيه سنى و باهر صاقلرينى يوموشاتوب ترطيب و تفريح
و تبريد همچون برملايم محاضر مؤثر احتقاجخيز...

شواجزا جيم زهرتى چلپينك خوشمه گلن حالى دائما
دفتريده معالجه لرينى ادب و حرمت ايله قيد ايتمسيدر . هم !

* برنجى پرده دن اول ، اصلنده ، بر پرولوج واردر .

باغ صافلری هی ! « مؤثر احتقانجغز آلتش پاره » . . اوت اما ،
 زهرتی چلبی ، ساده ادب و نزا کتله بیتمز ؛ انصاف ده لازم .
 خسته لری دیری دیری **اصو عامالی** . بر تنقیه آلتش پاره
 نه دیمک ؟ عفو ایدرسکز چلبی ، اولده سویله دم ، او بردفترلرده
 قرقر پاره یازیلشدی . قرق پاره اجزاجی اصطلاحنده یکر می
 پاره دیمکدر ، ایشنه یکر می **پارمه** « کذا یوم مذ کورده ترتیب
 موجبنجہ قاتمر کل ختمی و راوهند وکل بالی و سائرہ دن مرکب
 و افندیکن جو بطنی تنقیح و غسلی و تنظیف ایچون بر منقی
 اعلا ! احتقان آلتش پاره یعنی چلبی رخصتکزلہ یکر می پاره .
 « کذا یوم مذ کورده اقشام افندی بی او یونمق ایچون برصدری
 کدی نائم منوم مطبوخ یتش پاره » باق بوکا دیبه جکم یوق ؛
 زیرا بی آبی او یودی . اون سکز یکر می داها او توز سکز ،
 یکر می داها الی سکز ، او توز بس داها ، ایکی غروش اون
 اوچ پاره . « کذلک شهر حالک یکر می بستیجی بخشبه کوشدن
 حقتی افندیکن بریدی موجبنجہ نازہ خیارشبر و سناء مکی و سائرہ دن
 مرکب افندیکن صفر اسی دفع و اخراج ایچون بر اعلا مؤکد
 و مؤید مشهل سکز غروش ، او دو ، او دو ، زهرتی چلبی
 آلتیق لہذیان ایدیور شک . خلقتہ لولہ رخوشی چکشدلی ، مشویوب
 بیتیزمه ، لی سسکا حقتی افندی سکز غروش یاز دیبه ترشیتشدہ
 امر ایتمدی یا ! ایشته آتی غروش قوینی ویر ، لطف ایت !

مراق

آلای غروش یعنی اوج دیمک، اوج اوج داها آلای غروش
اون اوج ده پاره ۱. کذا استراحت استدرمک ایچون مفتوح،
مصرح، مدور مطوخ آلمش پاره ۲. تمام ایشته اونوز پاره ۳. کذلک
ایک یکر می آتیسنده افندیك ریحلری طرد ایچون برقر من
آلمش چلی یکر می پاره ۴. کذا روحه بالا افندیك احتقانی، تکرار
آلمش پاره ۵. یعنی یکر می پاره ۶. کذلک یکر می بدیسنده سرعت
تلمین و افندیك اخلاطی طشره به رقیق ایچون بر نفیس ملین
آلای غروش ۷. اوج تمام، ایشته اوج غروش ۸. افریم
زهرتی، منصف اول. حظ استدم ۹. کذلک یکر می
سکزدن افندیك دمی تصفیه و تعدیل و تبرید و تلمیح
ایچون بر ایچیم سوزمه سکری سروتقه قرق پاره ۱۰. اوج یکر می
پاره ۱۱. کذا تربیب موحینجه اون ایکی بغدای پازهر، مقدار
وافی شروب، لیمون و نار و ساژدن ترکیب اولونمش بر مطیب
محارس قوردیال اون غروش ۱۲. ای زهرتی باواش ۱۳. جاتم باواش
بویله ایده جک ایسهك آرتیق کیسه خسته اولمز. سکز غروشه
قناعت ایت که درت دیمک ۱۴. ایشته دوت غروش ۱۵. اوتوز یکر می
داها الی، یکر می داها یتش، اوج داها ۱۶. درت غروش ۱۷.
اوتوز یکر می درت داها الی درت غروش، سکز واللی آلای.
ایکی اون اوج داها ایشته افندیجکم اون بش غروش یکر می
اوج پاره ۱۸. بویله ایسه بن بوآی بر، ایکی، اوج، درت، بش،
آلای، بدی، سکز، طقوز، اون، ازن بر احتقان اولشم.

بر، ایکی، اوچ، درت، بش، آلتی، یدی، سکزده مسهل ایچمشم.
 کچن ای اون ایکی مسهل، یکریمی تنقیه واردی. اونک ایچون
 بن بوآی کچن آی قادار ایی دکل. تعجب اولمز اما حقتی
 افندی یه سویلیهیم، بونی یولنه قویسون. شونلری قالدیرک.
 وای! بونه؟.. کیمسه یوقی؟ بیک سویله، ینه یالکز براقیرلر،
 شونلری بورا جقده طور دیرمق اولمز. ممکن دکل! ایشتمزلرده..
 چنغراغک کورولتیمی یتشمز نافله... صاغیر اولمشلر. کل
 خیفایا! هاچال، هیاچاله! سورتوک کوپک کل! اوف
 بوغولویورم. شیمدی چیلدیریم. چینک، چینک، درلین،
 درلین، درلین، جهنم اولادی مردار. آمان خسته آدامده
 بویله یالکز براقیلورمیش؟ آمان کل! درلین، درلینهای،
 آی، هو، یا هو، کل! ایشته بو ظالمک! یازیق بکا! یازقلر
 اولسون، یاربی! اوله جکم، الدن کیدیورم. کیمسه نک خبری
 یوق. اومورنده دکل. درلین، درلین، درلین! کل کل خیفایا!
 آ خیفایا کل کل!!!

ایکنجی مجلس

رحلتی، خیفایا

خیفایا، اوطه یه کیره رک — لبیک واریورم.

رحلتی — خائن! مردار! مصیبت!

خیفایا باشی چاریمش کی کوزو کهرک — آمان اوف!

عجله کزدن باشمی کچنکه ووردم. اوف! وای باشم! آمان
 نه اولیورسکز، بو عجله نه در؟

رحلتی ، حدتلی — سنی کیدی خان!...
 خیفا ، اونک سسنی ، فریادینی کسمک ایچون دائماشکایت
 ایدر — اوف!

رحلتی — بر ساعتدرکه...

خیفا — اوف!

رحلتی — یالکز براقده بن...

خیفا — آمان!

رحلتی — بن اولویورمی یم ، یوقسه قالی....

خیفا — اوف! آمان! آمان! آمان!

رحلتی — وای خان! صوصده سکا چکیشه یم* باری!

خیفا — اوت! تمام، چکیشه لی. بکا اولانلردن صوکر!

والله ای! آرتیق الویرمزمی؟.. آی! آمان!

رحلتی — آپوستال! بوغازم بیرتیلدی.

خیفا! — سزده سبب اولدیکزده باشم یاريله یازدی...

آمان! آمان! بکا داها یازیق اولدی.

رحلتی — بونه دیمک ملعون؟

خیفا — آزارلارسکز آغلارم.

رحلتی — بنی یالکز براقیرسک، کپازه.

خیفا — آمان! آمان! آمان! هی! هی!

رحلتی — همده ایسترسک که ...

خیفای — آمان ! آمان ! هی ! هی !

رحلتی — وای چکیشمکه ده میدان بر اقیور که نفسله نهیم .

خیفای — چکیشک ، ایستته دیککز قادار تعذیر ایدک ،

سزبیلیرسکز .

رحلتی — آقجه ! سویلتمیورسک ، سوژومی کسپورسک .

خیفای — سز بنی آزار لایوب کیفکز کلیور ، یان طیاره

بیلیر مییم ؟ بنده آغلام که کوکم راحت ایتسین ! آمان ! آه !

هی هی هی !

رحلتی — هایدی باقالم بوکاده قاتلانمالی . آل شونلری

قالدیر . بوسمال ! شونلری قالدیر ! (رحلتی اسکمله سندن

قالقار) ها بو کونکی تنقیه ناصیل ؟ ایشلیدی می ؟ صفرائی چولچه

سورمشی ؟

خیفای — تنقیه می ؟

رحلتی — تنقیه یارامشی ؟

خیفای — بن نه بیلیم ؟ .. بن اوپله شیلره قاریشمام . زهرتی

هرشینه بورتی صوقار . ایشته او باقسون . کارینی او ایدیور .

رحلتی — براردن ایچه جگم مشیل اینچون بکا برات

صوبی حاضر ایتسینلر !

خيفا -- آه زهر تيله حقيقتى افندى سترك وجود كزله
اوينايوب ايشلر ايدىيورلر ستر صاعماچ اينك كى قوللا نيورلر،
پارالركزى سيزديرلر، آنلره برصورسهلر عجبيا سزده نه درد
واركه بوقادار دوالر، علاجلر يوندورورلر .

رحلى -- صوص ، ادبستر جاهل ! صوص ، قاتاق !
سـنـك حديكـمـى دوشمش ، حكيملرك امرينه قارشى كلمك ؟
قيريمى چاغير برشى سويليه حكـم وار .
خيفا -- ايشته افندم ! بيلمش كى او كمنديل كندن كليور .

اورنجى مجلس

رحلى ، سلما ، خيفا

رحلى -- كل قيزم سلما تمام وقتنده كلذك . سـكـا بر
سويليه حكـم وار .

سلما -- افندم نه بويورورسكز ؟

رحلى ، آبدستخانه يه قوشه رق -- دور جانم آزيحق دورا
قيز دكنكمى ويرده شيمدى كليرم .

دورنجى مجلس

سلما ، خيفا

سلما سوز كون بر حالده ياقلاشوب، منجد براداييله -- خيفا!

خيفا — افنديم ؟

سلما — يوزومه باقسه كا آخيفا !

خيفا — اوت باقيورم .

سلما — آه خيفا !

خيفا — ای پك ای خانم خيفا ، خيفا ... صوكر ا ؟

سلما — آخيفا ديه جكمی بيلمز ميسك ؟

خيفا — اوت شويله برسز بيليورم * . ينه بزم بك

لاقيرديسي اولاجق . آلتی كوندركه باشقه برسوزمز ، ايشمز

يوق . صحبت هب آنك اوستنه دونوپور . آنك سوزی اولمادجه

راحت ایده میورسكز كه .

سلما — ای .. بونی بيلمورسك ده آخيفا ! سن نيچون

اذیت ایدیورسك ؟ نيچون سن كندیلكندن او قاپی بی

آچیورسك ، آ حقیقتسز ! ..

خيفا — آخانم ! آمان زمان ویرمیورسكز كه ، كندیكز

بكا میدان براقیورسكز كه ... سزه كیم يتيشه بيليور ، بن نه

زمان سوز آچارم .

سلما — طوغریسی نه صاقلایم کیجه كوندوز اونك سوزینی

ایتسهم ينه قائمام . برآراقی بولديغمله سكا ينه اونك لاقيرديسي

آچغه جان آتارم یانارم . آخيفا بنم میلمی لایق کور میورميسك ؟

* سزینك — آ كلايوب سس چيقارماق .

خيفا — نيچون آجانم ؟

سلما — مائل مجبوري اولديغمه كنهامي ايتدم يوقسه ؟...

خيفا — يوق آجانم كيم ديدى ؟.

سلما — بكا عرض ايتديكي آندلري ، قسملري ، آتش

اشتياقنك مشفقانه تعهدلريني قاتي يوركلمى ديكله ديككى

ديله يورسك ؟

خيفا — مولام كوسترمه سين آجكرم !

سلما — اي ديكدى خيفا ! جانم دوغرو سويله ! بو

اللهم تقديرى دكلكى كه بكا اويله آنسزين راست كلوب الفته اويله

ذريعه آچلمسى عجايب سرگذشت دكلكى ؟ قوزوم سويله .

خيفا — ظاهر اويله يا !

سلما — هيچ كيم اولديغى بيلمز كن بكا صاحب چيقوب

محافظه ايتمى ، قضادن قورئارمى ... بمررتكار فتوتمدارك

طوري در ديمز ميسك ؟

خيفا — يا ! آجانم يا !

سلما — جو مردلك ، مردانه لك ، بوندن ايلروده اولورمى ؟

خيفا — ظاهر آجانم ظاهر !

سلما — يانه ده نازكانه ظريفانه داوراندى !

خيفا — البته .

سلاما — افندیم کونز یوموب هر سوز کیزی طوقمه حاضریم .
 رحاتی — اهلیم سئل اویکی آنک، سنی دنه، قرادیم شسک
 حسناپی ده ترك دنیا ایتمه می ایستر، قوجه ایستته منزل ایدیور .
 بونده پک اصراری وار ایدی .

خیفای (ایچدن) — قانجفک الله اعلم هر امی و اولوب
 رحاتی — بونکاحه اذن ویر میوردنی اما بن او کی آلام .
 کندی بیلدی کمی یادم . آرتیق سوز ویردم —
 سلاما — آه سوکیلی پدرم سزک لطفلر کوزه نه قادیو حفظ
 ایدیورم .

خیفای — طوغریسی بونی بن ده بکندم . مدت عرس کزده
 بوندن انی عقللیق ایتدی کیزی کوردم .
 رحاتی — سنی ایستیه نی دها کوردم اما بکا خوشلانیرسک
 دیدیلر ، سنی ده بکنیر دیدیلر .
 سلاما — البته بکنیرم افندیم .
 رحاتی — یا کوردکی مکرر معنی .

سلاما — قادیامک سزک ده رضل کز یواشیه مساعده ایدیور .
 آرتیق بن ده براز درونمی سویلکه دیلم دانسون ، محاز اوله یم .
 سزدن صاقلامام . بوندن آلتی کون اولک راحل کله کولوشدک .
 اولک آندم بر بریمزه میل حاصل ایدیوب اوندن اولتوی سزه
 کلدیله . بنی ایسته دیله .

رحلتی — یا بکا بوراسنی سویله مدیلر اما حفظ ایتدم. بویله
اولدینی ای اولمش، یاقیشیقلی بر جوان یکیت ایمش.
سلما — اوت:

رحلتی — قدی بالا.

سلما — اوت.

رحلتی — دلنواز.

سلما — البته.

رحلتی — کولر یوزلو ...

سلما — ظاهر.

رحلتی — کامل، مؤدب ...

سلما — تا کنندیسی.

رحلتی — حرمتلو، رعایتکار ..

سلما — او یله یا!، پک رعایتکار.

رحلتی — عربی، یونانی بیلورمش.

سلما — اونی بیلیم افندیم.

رحلتی — اوت اوچ کونه قادار طیبیلک براتی آلا جقمش.

سلما — اومی افندیم؟

رحلتی — یا او سکا سویله مدیمی؟

سلما — خاییر. طوغریسی سویله مدی. سزه کیم سویلدی

افندیم.

رحلتی -- حقنتی افندی !

سلما -- یا .. حقنتی افندی اونی نهدن بیلپور ؟

رحلتی -- اماده سؤال ؟ البته بیللملی یکنی دکللی یا ؟

سلما -- عمادی حقنتی افندی ک یکنی ؟

رحلتی -- هانکی عمادی ؟ بز سنی ایستیان آدامک

لاقیردیسنی ایدیپورز .

سلما -- آی افندم اوپله یا !

رحلتی -- ای ایشته . اوپله ایسه سنی ایستیهن حقنتی

افندی ک یکنی ، باجناخی طیب لیتنی افندی ک اوغلی طامن

لیتنی در . یوقسه آدی عمادی دکل . سوزی بوسباح کیشدک .

حقنتی وزهرتی ایل . بوسباح لاقیردی پی بیتیردک . یارین ده

دامادی بکا باباسی کتیروب کوستره جکدر . آی نه وار ، نه شا .

شقیق شاشقیق بل بل باقیورسک ؟ جانم سویله سکا نه بوزولوب

آزیلیورسک ؟

سلما -- آی افندیم ، پدرم ، آ کلیورم که سز باشقه سنی

سویله مشسکیز بن باشقه سنی صاعشم .

خیفه -- ای افندی سزده مال و منال قتی چوق شهرت

واعتبار وار ایکن بویله مسخره لوق کبی قیزکزی حقنتی ک

طامن لیتنی سنه می لایق کوروب ویره جکسکیز ؟

رحلتی — ها آکا ویره جکم . ایشه خودوک سن اصول
اول*! سن نیه قاریش پرسک سومسوک! حیاسز ، سورتوک!
آ ، کودوک هودوک!

خیفای — ای افندیم یلواش! هان آزارلامغه ، پایلامغه
باقارسکزه اوفکه لئزدن لاقیردی اولماز می؟ طاتلی اوصولو
سویله شلم ، بو ایشی طومغه نه موجب ، نه سبب وار جانی!
رحلتی — موجب بوکه ، کوریسورم علیل ، مریض
اولدم . کندیمه اطمان داماد ، خصم ، قوم ایدنمک ایسترم که
امداد لرینه دایانوب خسته لغه قارشی دورایم ، کوکنهیم . لازم
اولان علاج لر اونک ایچندن چیقسین ، هم ترتیه ، مشورته ،
قونصولتویه مردم عادتاقولایلیق اولسون .

خیفای — تمام ایشه! بو نه معقول لاقیردی . یوللوجه
سویلشمکدن انسانک حظی کلور . ای شیمدی جانم افندیم ،
سودکزه حواله ، انصاف ایدک . سز کرچکدن خسته میسکزه؟..
رحلتی — وای یوزسز قره کوتوک! ناصل خسته مییم؟
خسته دکلمده یا نهیم؟ آنادان صومورتوق!

خیفای — بک ایی افندیم ، خسته سکزه . هم بک خسته سکزه ایشه اوراسنده
نافله نزاع ایتمه لم . بونی اقرار ایدیم که ظنکزدن زیاده خسته سکزه

* وصول اول — یلواش اول .

تک قاوغا اورتادن قالقسون ، سوزده کسـیلـسون ۱
قیز کزده می خسته ؟ او کندیسـی قوجایه واراجق . ای اوکا
حکیم نیه لازم ؟

رحلی — حکیمی اوکا کندم ایچون آلیوریورم .
طبیعی فطرتی پاک اولان اولاد باباسنک جانسه لازم اولان آدامه
وارمغه منت می قور ؟

خیفا — افندیم ، ایمانم حتی سزه بر صادقانه نصیحت
ایده می ؟

رحلی — ایت باقالم ، نه ایمش او نصیحت ..؟

خیفا — بو ایشدن فراغت کلیمک افندیم .

رحلی — ای نیچون ؟

خیفا — شونک ایچون که قیزیکز بوکا راضی اولمز .

رحلی — راضی اولمازمی مش ؟

خیفا — خاییر اولماز .

رحلی — بنم قیزم می ؟

خیفا — سنک قیزیکز ، اوت . او لیتی پی نه یاپسون ،

ایسترسه جهانک بوتون لیتیلری اولسون نه سنه لازم آسلاطام .

رحلی — بکا لازم ، بکا ؟ همده بو بازارلق کوستریشی

کبی دکلدرد . ایچ یوزی خیرلیدر . لیتی افندینک بو اوغلندن

غیری میرا نجیسی اولماقدن باشقه برده حقتی نك چولوغی چوجوغی
کیمسه سی یوق . بو نکاح مناسبتیه ملکی بونون اونك اوستته
ایده جك . حقتی افندی بی بیلورمیسك ، الی بیك غروشلق
ایرادی بر آدامدر او !

خفا — آه عجبا قاچ بیك جانہ قیمش که اول قادار پاره
طوپلایه بیلمش .

رحلی — قاین آنانك مالندن غیری ساده بو الی بیك
فنا بر ایش دکل .

خفا — افندیم ، بونلرک هدی ای ! بک اعلا ! اماینه
دیدیکه کلیم . سوز آرامزده اما قیزه بر باشقه قوجه آراییکز .
نصیحتم اولسون . او لینتی به خانم اولاجق آدام دکدر .

رحلی — بوش لاقیردی ! بزم دیدیکم اوله جق !
خفا — آمان ! قولدن اوزاق اولسون ، دیمه یك شونی .
رحلی — ناصل دیمه یم شونی ؟

خفا — الله کوسترمسون ، اولماز ، اوله دیمه یك !
رحلی — نه دیمک ؟ نیچون ، دیمزمشم باقیم .

خفا — صوکرآ آدمی یررلر ، بر شی بیلمیور دیرلر .
رحلی — نه دیرلر سه دیس-ونلر . بن دیر دیر دیکلهم .

اما سکا سویلیورم باق ، بن سوز ویردم . سوزومی طوتسون !
خفا — نافله ... بن ای بیلیم که دیکله مز .

رحلقی — بن دیکله تیرم .

خیفای — دیکله مز دیورلر . نافله ، اولیه جق شی بو .

رحلقی — با دیدیکمی یاپار ، یا اودن سورهرم .

خیفای — سز می ؟

رحلقی — ها بن ... ایشته !

خیفای — تمام !

رحلقی — ناصل تمام ؟

خیفای — اولادیکزی ناصل سورهر چیقاررسکز ؟

رحلقی — چیقارامازی یم ؟

خیفای — خاییر افندم !

رحلقی — خاییر می ؟

خیفای — خاییر !

رحلقی — ایشته یو تحف .. بن ایستهرسه م قیزی می ره

ایده م ها ؟ ..

خیفای — خاییر جانم ! ایده مزسکز .

رحلقی — ای کیم مانع اولورمش ؟

خیفای — ینه کندیکز ، افندیم !

رحلقی — کندم می ؟

خیفای — اوت ، یوره ککز دایانماز .

رحلتی — بك كوزل دایانور .

خيفا — اولماز جانم شاقامی بو ؟

رحلتی — نه شاقا ! نه بر شی ..!

خيفا — شفقت و مروت باق ناصل سزی آلیر کسر .

رحلتی — کسمز ، نه کزر !

خيفا — کورورسکمز ... بر ایکی کوز یاشی ، بر ایکی

آغلایشجقمر .. بوینکزه قول آتوب د آه جکرم باباجم ..!

دییه حزین حزین یالواریشجقمر .. بر ایکی آند .. بر ایکی

اوپوب صاریلوب قوجاقلایشجقمر . ایشته هم انسان یوموشار ،

کدوشر ، هم قوردیغنی غایب ایدوب آپیشیر قالیر .

رحلتی — یوق بر شیجک اولماز .

خيفا — کورورسکمز !

رحلتی — بن بیلدیکمدن شاشام !

خيفا — ای نافله آرتیق !

رحلتی — نافله دیمه بویله در .

خيفا — امان الله بن سزی بیلزمی یم ..؟ سزك طبیعتکز

مروتلی در .

رحلتی — بن مروتلی دکم . ایستدیکملن یاراما ز اولورم .

خيفا — ایتمه افندیم ، ایتمه ! یاواش ، سز خسته سکمز ،

اونوتیورمیسکز ؟

رحلتی — امر بودر . البته بنم دیدیکم آداهه وارمغه
حاضر اولسون .

خیفای — بنده یاساق ایتدم . صاقین وارماسون ها !
البته وارماسون .

رحلتی — وای بز نرده ییز ؟ بونه جسارت ! بر خالایق
پارجه سی پوستال ، آغاسنک قارشیسنده بویله سوز سویلسون ،
جرات ایتسون .

خیفای — افندیم ، آغانه یاپدیغنی بیلمزسه عقللی خالایق
ایشک طوغریسنه قاریشیر .

رحلتی — سنی یوزسز عاصی ! شود کسکله سنک یاشنی
یارارم .

خیفای — افندیم سزه عار اوله جق شیره البته بن قارشی
کملک بورچدر .

رحلتی — دور ، دور ، بن سکا بورجکی او کرتهیم .
خیفای — سزه دایلك ایتدیرمه مه کی بوینومه وظیفه بیلیرم ،
همده وظیفه ایدینیرم .

رحلتی — سنی ، سنی قانجق !

خیفای — یوق نافله بونکاحی قبول ایتیم ، اذن ویرم ،
نافله در .

رحلتی — سنی ایپہ کلہ سی خان !

خیفہ — سزک طامنز لینتی یہ قیز ویردیرم .

رحلتی — سنی مردار لش ! آناق قالتاق !

خیفہ — بنی دیکلہ ر ، سزی دیکلہ مز .

رحلتی — سلما ! شو کپازہ آشفته بی بکاطوتی ویرمز میسین ؟

سلما — آہ ، افندیم پدریم ایتہ یکز ، کندیکزی

یوریورسکز ، خستہ اولویورسکز .

رحلتی — قیزم ! کر طوتمزسک سکا لغت ایدرم .

خیفہ — اکر طوتارسہ بندہ اونی رد ایدرم .

آلنجی مجلس

جلما — رحلتی

رحلتی ، قوشامیہ رق کندینی اسے کملہ یہ براقیر — آمان

هلاک اولدم . آمان بنی اولدورہ جکلر . آمان ! آخانم کل !

جلما — وای ! نہ اولدی افندیجیکم ؟

رحلتی — آمان یتیش ، امداد ! آمان مدد !

جلما — آمان ! یاوروجغزم ، نہک وار ، جانم ؟

رحلتی — آیارم !

جلما — آہ نور دیدارم !

رحلتی — بنی داریلتدیلر .
 جلما — وای افندم نیچون ؟
 رحلتی — سنک خیفاک پک ادبسنز اولدی .
 جلما — آجکرم ! اوفکه لئه ، سن .
 رحلتی — آمان بنی آفانلاتدی قودوریوردم .
 جلما — ائمه افندیم ! یاواش !
 رحلتی — نه یاپه جق اولدمسه برساعت قارشى کلدی .
 جلما — واه واه جانم ! اویمه اونلره ! راحت اول !
 جلما — قالتاق بکا خسته دکلسک دیبه عنادلانلشدی .
 جلما — های ادبسنز های !
 رحلتی — سن بیلزمیسک ناصیلیم ؟
 جلما — اوت جانم ! یوره ککی اوزمه صاقین . او خلط
 ایتمش .

رحلتی — آمان بنی اولدیره جک او آشفته !
 جلما — واه افندیم ! واه !
 رحلتی — سبب اولدی ده صفرام آیاغه قالدی !
 جلما — آمان ایکی کوزوم اوزولمه !
 رحلتی — نه زماندرکه شونی دفعه ایدک دیورم .
 جلما — آه یاوروم ! هجنتسنز خالایق ، خدمتکار بولنمز که ..

بعضی ایملکری ایچون قص-ورلری چکیلیور . بوقیزك الى
 یاقیشقلی ، ایشنه مقید ، چابوقلانی وار . همده صادق ، دوغرو .
 بندن ای بیلیرسکزر که خدمتچی یه بوزمانه ده کووه نوب ده انسان
 اوه قویامیور . کل ، کل سن آقیز !

برجی مجلسی

رحلی ، جلما ، خیفا

خیفا — افندم !

جلما — بنم افندی بویله نیچون داریلدیورسک ؟
 خیفا ، طاتلی برسسله — بنی افندیم ؟ ایواهلر اولسون
 بنم باشمه ! بن اوپله شی بیلیرمی یم که ... بن آغامک هرامرینه
 پروانه اولیورم .. تک یارانایم دییه .

رحلی — سنی خان منافق !

خیفا — قیزی لیتی افندیك اوغلنه ویره جکم دیدی .
 بن ده ای داماد آما ویرمسه ده ترك دنیا ایتسه داها مناسب
 کورورم دیدم .

جلما — ای بونده برباش یوق . اوپله سویله مه !

رحلی — آیارم ! اینانیورمیسک ؟ .. اونامرد بکا پک
 ادبسنزلك ایتدی .

جلما — آیاوروم ! بن سکا اینانیرم . سنك دیديك
 اولسون اوزوله سن دیورم، جانم ! جانکی کوتاه ایدیورسك .
 باق خیف ! برداها افندی می داریلترسهك سنی دفع ایدرم .
 قاپیکدن اولورسك ! کل باقیم ، افندیك کورکنی ویر بکا !
 یاصدیقلری ویر ، یرینی یاپیم ، دوزلهتمیم .. باق نه حاللره
 کیرمش ! طاقیه کی شویله قولاقلرکه ایندیر . افندیجکم ، آدام
 قولاقدن صووق آلوب کندینی اوشوتور .

رحلتی — آم ، آیارم ! سکا ناصل شکرینی ادا ایدیم ؟
 سن اولماسك بکا کیملر باقار بویله ؟

جلما رخلتینك یانلرینه قویدینی یاصدیقلری دوزلهتهرك —
 طور افندیم ! شویله آلتنه بر یاصدیق صوقوشدیرایم افندیم !
 شویله ، ها براز بری دون ها ! ایشته بویاصدیغه دایان ! بوده
 قولتوغنه ، بوده او بر قولتوغنه ، بوکاده باشنی دایا ! نه جانم !
 خیف خیزله باشنك آلتنه بر یاصدیق قویار، صوگرا قاچار —
 آل بونی ده .. باشکزه صووق کچمه سین .

رحلتی ، حدتله قالقینیر و بوتون یاصدیقلری حیف-انك
 آرقه سندن آتار . — های قالطاق های ! آرتیق بی بوغاجق !

سکزیجی مجلس

رحلتی ، جلما

جلما — ایتمه افندیجکم ایتمه ! ینه نه اولدی ؟

رحلتی — آمان اوف ، ایشته حالم پک فنا آه !

جلما — جانم افندیم ! نیچون اویله داریلوب ، اوفیکه .

له نوب ده بویله ییزار اولورسک ؟ ای اییدیورم صامشدر ، بیلمه مشدر .

رحلتی — جکرم سن او خاشک شیطنتی بیلمزسک ،

عقل کیده یازدی . آمان الله ! شیمدی سکز مسهل ، اون بش

تنقیه لازم که ، یریمه کله یم ، ینه اسکی حالمی بوله یم !

جلما — آمان جکرم ایتمه سن ، کندیکه کل ، ایچکی

صیقمه جانم !

رحلتی — آه یارم سن بنم درد مک دواسی ، غمخوار مسک ،

سندن تسلی بولورم .

جلما — واه اولادم !

رحلتی — سن اولماسه کدی بن نه اولورم ؟

جلما — جانم ! سکا قوربان اولسونلر .

رحلتی — بن سنک مروتنکی بیلیدی کمی ده آکلاتمی ایچون

بروصیت ایده جکم .

جلما — اویله آجی لاقیردیله ایسته‌مم ، افندی . جانم ،
 اویله شیئه ایچریم دایانماز . وصیت لاقیردییسی اولدینغیله ایچم
 تتره‌دی .

رحلی — آ جانم ! اولدنده سویله‌مشدم . محکمه‌مقیدینی
 کتیرت دیمشدم . شوایش بر آیق اول اولسون بیتسین ،
 وصیتنامه یازمالی .

جلما — آه جانم ! کاتب ایچری اوطه‌ده بکلیور .

رحلی — کلسون جکرم ! کلسون !

جلما — آ . آ جکرم ! قوجاسنی سوون بویله شیلره
 فاصل عقل ویرسون . بن ایده‌مم ... یاپامام بیلمم ...

طقوزجی مجلس

صدق افندی ، رحلی ، جلما

رحلی — چاغیر افندی ، چاغیر آجانم !

جلما — آه آمان !

رحلی — کل باقالم ! صدق افندی کل ! لطف ایدوب

بویورک ، اوطوروک ! اهل دیورکه سز برامین آدامشسکر .
 کندی خیرخواه‌لرندن ایمشسکر . بروصیتنامه یایدیرمق ایسترم .
 سزه اکلاتسون دیدم .

جلما — آم بن آکلاته مام جانم! اوپله شینه ایچریم دایانماز!
 صدق — افندیم! سزک نیتکزی بیان و اعلام ایلدی.
 وحقنده اولان تصورات عالیکزی کوزهل افهام ایلدی. آنحق
 بن ده، رخصت بیورورسه کز، شوراسنی افاده ایدیم که زوج
 زوجیه وصیتنامه ابله برشی اهدا و هبه ایلسی قابل دکلدرد.
 مغایر نص و صک اولور. اکر معامله صورتنده بیله اولسه اقاله
 لازم دکلدرد.

رحلتی — اما نیچون آجانم؟

صدق — قول مختاره و فتوای مرعییه مغایردر. بعضی
 عادت جاری اولان غیر کتابی بلده لرده بیع شرط کبی برصورت
 باغلانور اما، بونده قابل دکل، فاسددر. محاکم و مجالسده
 فسخ و ابطال اولور. اکر طرفینده اولاد وارث بولنر سه
 اول وقت نفی ملک صورتیله زوج زوجیه اکر ام ایده بیلیر.

رحلتی — بوناصل ایشدر که کندینه باقوب، خدمته
 پروانه اولان سودیکی بر زوجیه سنه انسان مالندن برشی ویره مه سین.
 بن اوپله صک و سبکی طایر مییم هیچ! ایسترم که بر کره بزم
 دعوی و کیلنه دانیشایم. نه یا بابیلیر بیله بزم!

صدق — بویله شینی دعوی و کیلرینه صور مامالی. اونلر
 تعصب ایدر لر، حیلله شرعییه مراجعتی تجویز ایتزلر. ایشی

امور ایدرلر، مصلحتی اوستالقله شرعه توفیق ایتمک ایزنی،
 طریق بیلمزلر. بزلر اویله دکلدر، بزه مراجعت ایده نلره
 اویغونز، مساعده کوستیریز. شرع وقانونک اصول ایله یانندن
 کچوب اکرینی دوزغری ایتمکه علاجلر بولورز. بر دعوانک
 مشکلاتی برطرف ایدوب تسویه ایلرز. مرعی و مجاز اولان
 شیلری بالواسطه استفاده یه چاره ایدرز. بو اولماسه حال نیجه
 اولور، احوالز نهیه منجر اولور؟ هرشیده تسهیلات لازم.
 یوقسه بز برایش کورده مه یز، آرتیق صنعتمز ایکی پاره لق اولور.
 رحلتی — اهلیم کرچک دیدی که سز ایشنی بیلیر، اعتمادلی
 آدام مشسکز. ناصل ممکن اولور که مالی آکا ترک ایدیم.
 چو جوقلریمی محروم ایدیم.

صدقی — ناصل اوله جق؟... دوستلرندن بر مناسبی
 بولوب آکا ثلث مالی وصیت ایتملی، صو کرا اوده زوجه کزه
 رد ایدر. برده امین یرلره نام مستعارله دین حجتلری اعطاسیله
 ظاهرده بورجلی اولمالی. اونلر آل آلتدن سندن ویرر..
 آقچه یی وقتیه تحصیل ایدوب زوجه کزه ادا ایدرلر. یاخود
 کندی حیاتک زده نقد کزی و حاملنه ادا اوله جق آچیق پولیچه
 اوراقی یداً بید تسلیم ایتک دخی اولور.

جلما — آمان جانم! بونلرله یوره کیکی صیقما، یا وروجما!

سن اولمازسهك بن بوجهانده دورمام . دنيا لذتی بكا حرام
اولسون .

رحلتی -- واه بنم نازلی یارم .

جلما- اینان که سن آلدن کیده رسهك ، اومصیتی کورور-
سهم ، آرتیق عمرمه طویمیهیم .
رحلتی -- واه جکرم .

جلما -- سزه اولان محبتکم بیلنمه سی ایچون بن هلاک
اولورم . آرد کزدن کیده رم .

رحلتی -- آم کوزوم نوزی ا کوکلم پاره پاره اولیور .
سن اوپله تاسه ایتمه یوره ککیزی خوش طوت افندییم .
صدقی -- خانم آغلیه جق صیرا گلدی ، داهارشی اولمادی ،
بونلر سوز .

جلما -- افندی . انسان قوجاسنی حقیقتدن سومک
نه حالدر بیلمز سکز که...

رحلتی -- اولورسه م غم ییمه اما اکر سندن چوجوغم
اولایدی بر سعادت اولوردی . حقتی افندی ایدورورز دیدی .
صدقی -- ای . هنوز اولماز شی دکل یا .

رحلتی -- شمدی بز شوو صیتی افندی نك دیدیکی کبی
یاپالم . یاتاق او طه مده ایکی بیک آلتون وار . ایکی ده حاملنه

آچیق سند وار . اونلری احتیاطاً سکا تسلیم ایدیم .
 جلما -- یوق یوق جانم بن اویله شی ایسته‌م اوف قاچ
 آلتون .

رحلق -- ایکی بیک ، جکرم ..
 جلما -- آمان سزه فدا اولایم . پاره لاقیردییسی ایتمهک .
 آه آمان سندلر قاچلق ایدی ؟

رحلق -- درت یوز ایله آلتی یوز آلتونلق جانم .
 جلما -- دنیانک هپ خزینه‌لری اولسه سننک کدرکه
 دیکشمه‌م .

صدقی -- ای اعلامی تسوید ایتمهک .
 رحلق -- یازی او طه‌سنه بویورک کیده‌م . آجانم . بنی
 کوتور باشمز دینج اولور .

اوتنجی مجلدی

جلما ، خیفای

خیفا -- مقیدله برابر او طه‌یه کیردی ، بروصیت سوزی
 قولاغمه چالندی . اووه‌ی والده‌کزی او یقوده دکل ، کوزلری
 آچیق ... البته بابا کزی سزه برایش ایتمهک سورمه‌جک . برفساد
 قایناتیور .

سلما — پدرم مالنی نه دیلر سه ایقسون ، کیفنه کوره .
 اما باری بزه طوقونماسینلر . کوریورسک آ خیفا بزه نه جفالر
 ایدیورلر . اما سن بزی بو هجرانده ایکن براقه قوزوم .
 خیفا — بنی سزی براقق .. اولوممی بیلسه سزدن کچمه .
 قادین بی نافله سرداش ایدر ، مرامنه رام ایتک ایست . بن
 آ کا ایصینامادم . سزدن یانایم . هله کوروک افندم . اوکا نه لر
 ایدرم . سزه نیجه مدد ایلرم . اما سزه خیرم اولسون دیرسه کز
 قورووی طوتومی دیکشـ دیرملی . اونلردن یانه اولمش کبی سزه
 محبتمی اورتوب کیزله مالییم .

سلما — آمان جانم ، اولان ایشلری عمادی یه خبر ویرملی .
 خیفا — پک ای سلطانم . یارین صباح برینی بولور کوندریرم .
 قساوت چکمه یک ..

جلما (ایچردن سسله نیر) — خیفا .. آ خیفا .. قیز ..
 خیفا — لیبیک . کلدم افندم .



ایکینجی فصل

صحنہ : رحلق افندیك اوطه سی

برنجی مجلس

عمادی ، خیفہ

خیفہ (عمادی بی طانیہ میہ رق) - افندم نہ ایسترسکیز؟

عمادی - نہ ایسترمی یم؟

خیفہ - وای سزمیسکیز.. نہ عجائب.. بورادہ نہ کزرسکیز،

نیہ کلدیکیز؟..

عمادی - آلمک یازیسنی بیلمکک ، دلدارم سسلما خانم ایله

بولوشمغه ، نیتنی وبکا همتنی آ کلامغه ، خبرینی آلدیغم شونکاح

بلیه سنی ناصل ایده جکنی صورمغه کلدم .

خیفہ - اوت اما .. سلما ایله اوپله جه بولوش-ولماز ، یولپله

ارکانپله اولور . کیزلی تدبیر لازم . صیقیده اولدیغنی بیلیرسکیز .

نہ سواقغه چیقمغه ، نه ده کیمسه ایله لاقیردی ایتمکه اذنی واردر .

خاله سنک خاطری ایچون بر کره کز مکک صالیویردی لر سزه راست

کلدک . اولانلر اولدی . اما کیمسه یه سویله مدک .

— ايشته بنی ده کورورسکیز که عمادی صفتيله کلام. موسیقی
 اوستاسی قیلغنه کیردم. موسیقی معلميله اویوشوب اوس-تانک
 دوستی بم دیبه برحیله اویدوردم.
 خیفایا — ايشته پدری کلیور. چکیلوب براز صبر ایدیکیزده
 آکا سزنی آکلادهیم، خبر ویرهیم.

ایکینجی مجلس

رحلی ، خیفایا ، عمادی

رحلی (یا لکیز ظن ایدهرک وخیفایی کورمه دن) — حقتی
 افندی بکا هر صباح اوطه مده اون کره شویله کیت ، اون کره
 شویله کزین دیدی اما اکنه می کزیم یوقسه بوینه می؟. شونی
 صورمنی اونوتدم.

خیفایا — یا هو افندی باقسه کز آبر.

رحلی — یا واش. الله بلاکی ویرسین ، یا واش ، خان .
 بیدیمی زینغیر داندک. یا واش سویله-که ، بیلمز میسک او غورسز
 خستهیم

خیفایا — امان افندی دیه جکدم که ..

رحلی — داها یا واش سویله، مردار .

خیفایا سویلر کی یاپارق — هه هه هه هه .

رحلتی — نه دیوورسک ؟

خیفای — بریسی کلدی سزی کوره جک دیوورم .

رحلتی — کلسین باقیم .

عمادی — افندیم سزه ...

خیفای آلائی ایدرک — یاراش سویله ییکز خسته در بینی

زینغیدار...

عمادی — افندیم سزی ایجه بولدیغمه، عافیتده کوردیکمه

مسرور اولدم .

خیفای حدتلی کبی یاپارق — وای ؟ ناصیل عافیتده ... بو

یالاندر، عافیت نه ایمش ؟ افندی ، خسته در خسته .

رحلتی — حق وار کوزم .

خیفای — واقعا یر، ایچر، اوپور، کزر اما خسته لغنه

نه مانع ... خسته در ایشته ...

رحلتی — کرچک اوپله ..

عمادی — واه واه افندیم مکدر اولدم ، اجنی مایوس

ایدرسکز . موسیقی اوستاسنک ایشی ظهور ایتدی . دوستلغه

مبنی بنی کوندردی . درس لرینک آراسی کیلیمسون، کریمه خانم

مشقنی اونو تماشین دییه مراقی ایتدی .

رحلتی — پک ایی (خیفایه) سلمایی چاغیر .

خيفا -- افنديم ، بينكزي اينجتمسون ، چالني اوطه سته
كيره لم .

رحلق -- يوق چاغير ديورم . بن موسيقي بي سه وهرم ،
پاره ويريورم . ها ايشته . كندي كليور . (خيفايه) سن اهلمى
كيديله كيت .

اومنجى مجلس

رحلق ، سلما ، عمادى

رحلق -- كل قيزم ، كل باق . اوسته ك كلمه مش سكا تعليم
ايچون بريسي كوندرمىش . كل .
سلما -- هاي آمان ياربم .

رحلق -- نه او ؟ شاشقينلق نهدن كليور . سويله سه ك آ
جانم .

سلما -- افنديم ، پدرم برشاسيله جق غريبه اولويورده...
رحلق -- ناصيل غريبه ؟

سلما -- اوت... بوكيجه خيرلر اولسون ، برعجايب رؤيا
كوردم . بر بويوك خلجانده ، بر تلاشده ايمشم . نه در
بيله ميورم ، طبقى بوذاته بكزر بريسي كلوب بن مدد ديله دم ،
بنى بولونديغ تاسادن قورتاردى ، امداد ايتدى . شيمدى اول

ذاتی شخصاً بورده کوردی کمدن حیرتده قالدم .
 عمادی - خانم ، سزك خیالکزه کیرمک بکا آز بویوک
 سعادت دکلدر . کرك اویقوده و کرك قایغوده الدن برمدد ،
 بر خدمت کله جک اولسه جانمی فدا ایده رده ..

دردنجی مجلس

رحلی ، سلما ، عمادی ، خیف

خیفا (آلائی ایده رک) - هو ، افندی ، کلدیله . بنده
 آرتق سزدن یانایم . دونکی دیدکلرمدن دوندم . ایشته باباسی
 لینتی چلی . ایشته اوغلی طامن لینتی . سزك زیارتکزه کلیورلر .
 نه ای دامادلانه جقه سکز . افندی هیچ^۱ اویله باباسنک اوغلی
 اظرف ظرفا کورمه دم . بر چیفت سوز سویله دی ، بایلدم .
 قیز کزده آکا بایله قالیر .

رحلتی ، (کیتمک ایستر کبی داورنان عمادی یه) - یا هو
 نره یه ؟ . کیتمه ییکز . قیزی اره ویریورم . دامادی کوسترمکه
 کتیریورلر . داها کورمدک .

عمادی - افندم ، بویله ملاقاتده حاضر بولمق بکانه بویوک عزتدر .
 رحلی - بر خاذق طیبیک اوغلیدر . درت کونه قادار
 دوکون اوله جق . اوسته یه سویله ییکزده اوده بولونسون .

عمادی - باش اوستنه ، قصور ایتهم .
 رحلتی - سزده بولونکیز .
 عمادی - افندم لطفکنزه تشکر ایدرم .
 خیفایا - صاورولکنز ، صاورولک ، کلیورلر .

بشقی مجلس

لینتی افندی ، طامز لینتی ، رحلتی ، سلما ، عمادی ، خیفایا

رحلتی (اوطوردینی یردن قالمه دن) - افندم ، حقنتی ،
 افندی قالقوب اکیلمکی یاساق ایتدی . خسته حالندن بیلیرسکیز .
 سزده کلیسکیز .

لینتی - افندم ، بز زریه وارسه ق خسته لره فائده رحمت
 ایچوندر ، اعاده زحمت ایچون دکل .

رحلتی (ایکسی عینی زمانده بربرینک سوزینی آکلامیه رق)
 افندم ، بکا واقع اولان عنایتکیزی خولیا ایدرک ...

لینتی - افندم بزلر حضور کنزه شتاب ایدرک ...

رحلتی - کمال سرورله استقبال وقبول ...

لینتی - اوغلم طامز ایله بن عرض ابتهاج وحبور ..

رحلتی - وا کر خسته لق مانع اولماسه کندیم واروب ...

لینتی - وشو صهریته قبول ایتدیکنزدن کلوب ...

رحلتی - سزه بو بایده تأمینات اعطاسنی آرزو ایدردم .

لینتی - سزه صنعتمزه عائد خصوصاً صانده تکاپو ایدرز .

رحلتی - اما خسته نه دیمک معلوم اولمقله سزه بن ..

لینتی -- صدق و اخلاصمز معلوم اولمقله سزه بن ..

رحلتی -- بوراده عرض خدمت مقدور ایدرم .

لینتی -- ارتباطی تکرار عرض حضور ایدرم . او غلم

هایدی ایلری واروب تشکر کزی ایفا ایدیکز .

طامنز -- پدرندن باشلامق مناسب د کلیدر ، عجیب ؟

لینتی -- اوت ، آل آوبده ..

طامنز -- افندیم ، شخص شریف کزده بروالد ماجدمعنوی

ثانی بی سلام و اکرام و احترامه و توقیر و تفخیر و تقدیره

کلورم . انجلین والد ماجد غیر ماجن ثانی که اولسکی والد طبیعیمدن

زیاده آکا متشکر و مجبور و حبل متین محمدتله مربوط و مسجون

بولونمقدمیم دیمکه جرئت و جسارت ایده بیلیورم . زیرا اول

اولسکی بنی تولید ایتدی ، و سنز انتخاب و ترجیح بویوردیکز .

اول بنی ضرورت طبیعیه و صیرورت اتفاقیه ایله قبول ایتدی

وسنز مجبور بیورلدیغکز مزید لطفله بنی شرف مشوله بی فضول

موصول بویوردیکز . آندن نائل اولدیغ نعمت یالکز وجودینک

نمری ... سزدن کوردیکم عزت اراده کزک برخیر اثریدر .

قوای عقلیهٔ عالیه ، قوای جسمانیهٔ آلیه نك هر نه مرتبه مافوقی
و آمر حاکی ایسه سزدن اول درجه زیاده احسانه . مظهر
اولش مدر . اول درجه زیاده شو تینی مستقبلی تقدیر و کنذیمه
تبریک ایدره ك شیمیدن عرض تشکرات و خصوصت عاجزانه
و حقیرانه و تعظیبات فائقهٔ متمایزهٔ ناچیزانه مه مسارعت و استعجال
ایتمشدر .

خیفا - آه ، یاش-اسون مدرسه لر . باق ، ناصل فاضلر
یتیشیور .

طامنز - اولدیمی پدرم ؟

لینتی - علی الاعلا . هاید کدی باقالم .

طامنز - آل او په ییمی ؟

لینتی - های های ؟

طامنز - خانم . جناب مولا سزه والده شرفی ..

رحلتی - بو اهل دکل ، بو قیزی مدر .

طامنز - او ترمده یا ؟ ..

رحلتی - شیمدی کلیر .

طامنز - پدرم . آیا ، ننه سنه انتظار اوزره اولایم می ؟

لینتی - تشکرینی اوقویی ویر .

طامنز - کوچوک خانم . چهرهٔ منیر معشوق خورشید

نظيرك دیداريله بت لال کبی مبهوت و مسـحور اولان دلداره
 دمساز قلقله وهدده اولماسندن بی کم و زیاده بوجلوب و مجبور
 و آواره آفتاب جهانتاب جمال محاسن نصـابـکـزک باختـر امیدده
 شعله زر اولدیغنده (ایضاً) کندی می برشوق صفا بخشله ذوقیاب
 وزنده ظن ایدرم . فضـلای نبـاتی تنوم تسمیه ایتدکلری شکوفه
 آفتاب پرستی هر دم مشمع جهان افروز روزه یوزین قارشی
 طوتوب (ها ها) آنک دور ایتدیکی سخته همیشه میل ایلدیکی
 مشاهده قیلدکلری مثلی بعدازین روز دل پر سوز دخی قطب
 وحیدی کبی دایم شول ایکی دیده آتشگیر اختلری جهته
 دیده دوز اوله جقدر . بناء علیه تلك المثل مساعده بیوریکز
 کوچوک خام که اول دل پر سـوزی سزک محراب ملاحـت
 ونازکزه بوکوندن ارزان ایدیم . اول دل که مادام الحیات
 فخر و مزیتی سزک احقر و مطیع اصدق بنده کز و شوهر افکنده کز
 اولقده تتبع و مشاهده ایده جکدر .

خیفـا — ها ایشته او قومش اولق بو دیمکدر . اکر بو
 سوزلری کبی کوزل مداوات ایدرسه حیرته سزا اولور .
 رحلی — بوکا نه دیرسکز ، اوستا ؟
 عمادی — دیه جکم بوکه افندیم ، اکر نطقنک مهارتی
 کبی صنعتنده حذاقی وارسه نه موطلو الـه کچن خسته لر .

رحلتی — ایشته اوستاسنه سویله ییکز. همده دعوته کلیک. شیمدی بزم لاقیدیمز واردر. ای سز بویوریکز؛ اوطورهلم. کچیکزدی آجانم لینتی افندی کورورسکنز که هر کس اوغلکزی بکهنیور، بویله اولاده مالک اولمق نه مروت.

لینتی — افندیم، اوغلمدر دیه دکل اما، اوندن دوغریسی خوشنودلق کتیرمه مک یری وار. چوجوقلغندن بری پارلاق ذهنلی، آتشی دکلدر. اویله مدرک آفاجانه بکزه مزایدی اما بزم صنعتمزده الزم اولان کیاستنه اندن استدلال ایدردم. حلیم سلیم سکونی بر چوجوق ایدی، آغیز آچاز، قوشوب اویناماز، هجایی کوچله سوکوب چیقاردی. داها اون یاشنده الف بایی بحره مزیدی. اوخ، یا ایشته کچ قالان آغاچاراعلا یمش ویرر دیه بن صبر ایدر بکلردم. نقش علی المرمر لا کال اثر علی الرمل. حجر اوزره نقش حکمی مشکلدرد، اما مزمندرد. قوم اوزره اولان ایز کی تیز زائل اولمز.

بویله درک و اذعان و اکتسابده تائی ... و فهم و ذهنده بطاآت ایلریده استقامت عقله و قوه محاکمه و تمیزه دالدر دیه کندیمه تسلی ایدردم. مدارسه قودم زحمت چکردی اما ثبات ایدردی. راسخ الدم ثابت قدم اولدیغنه اساتذه و تلامذه شهادت ایدردیلر، مدح ایلردیلر. دمیر دوکر کی جد و جهد ایتدی.

هله اجازتی قوپاردی . شیمدی درسلرده مشهور ... طلبه
 بیننده ممدوح و مغروردر . بر یرده مباحثه اولسه اوغلم کیدوب
 ضدینی ادعا و قوت نطقیه غلبه چالار . برهان کویستر آندن
 قورقارلر ، آغزی چلیکلی ، سوزندن دونمز ، معرکه لر ایدر ،
 قیامت لر قوپاریر ، بر قیاسی نهایت نتیجه اقصای سفسطیه قادار
 سوردر کوتورور ، اما اڤ زیاده بکنسندیکم حالی اسکیلرک یولندن
 آیریلامسی ، بئم کبی اسکیلره اقتدا و اقتفا ایتسیدر . زمانه مزک
 جریان و دوران دم و تلقیح و ترا کیب کیمیویه کبی یکی چیقمه
 مارطاواللرینه اصلا التفات ایتهدی . قیاس و تجربه دن آکلامز ،
 لاقیدلری دیکله مز بئم اوغلم .

طامن — اکر افندیم (تمنا ایدر) رخصت بیورورلرسه
 دورانیلر علیهنه ترتیب ایتدیکم شو جدلنامه یی کوچوک خانمه
 علممک تازمه محصلی و ترفنده مشموری اولمق اوزره تقدیم
 و اهدا ایدیم .

سلما — افندیم ، بن اوپله شیدن نه آکلارم نافله قاب
 چاق اولور .

طامن — اکر افندیم (تمنا ایدر) تجویز بیورورلرسه
 بوکونلرده بر امره تشریح ایده جکم . آتک سیرینه سزی
 دعوت ایده رم .

خیفایا — آه ایشته بو ذوقلی سیر اولمالیدر . خلق ضیافته مسیره به دعوت ایدر . اما بو تشریح دعوتی طوغریسی داهایا طاتلی و رعنا، پک ظریف . . . بوکا کوکلم باییلدی .

رحلتی — افندیم ، اوکا بر مأموریت او یوشمه جقمی نیتیکز ناصالدر ؟ ایش آراسنه صوقولیه جقمی ؟ بر طبابت منصبی یاقالامیه جقمی ؟

طامز — افندیم ، کبرا یاننه وارمق بویون ا کمک بزلره دشوار امکدر . بزم ایشمز خلق ایله سربست اولور . خلق او یغوندر ، او یصالدر . علاج ویریکز ، اولدیغنه کیدر . اما کبرادن بری خسته اولسه طیب همان ایی ایتسین دیر ، صحت اومار ، اذا ایدر .

خیفایا — تمام ایشته بو توخاف ، بوده غریب مسخره لق ، سزک خسته بی ایی ایتک نه وظیفه کز ، آیلنی ییلانی آلوب رچته یازارسکز . خسته آرتیق ایی اولسون ، نه یاپارسه یاپسون .
لینتی — او یله در ... بورجمز خسته یه اصول وقاعده یه تطبیقاً علاج ترتیب ایتمکدن عبارتدر .

آلنیمی مجلس

جلما ، رحلتی ، سلما ، لینتی ، طامز لینتی ، خیفایا

رحلتی — جکرم کلیکدی .. ایشته لینتی افندیکنک اوغلی .

طامنز - خانم جناب مولا سزه والدہ لك عزتی اعطا
بویورمقله ...

جلما - افندم سزی کورمکه وقتيله يتيشديكمه حظ ایدرم .
طامنز - جناب مولا سزه والدہ لك عزتی اعطا هم هم ،
لمقرديمی کسدیلر . هم هم . آلت یانی بولا میورم .

لینتی - دورسون ، طامنز . دورسون باشقه وقته قالسون .
رحلتی - آه ، آجکرم . کاشکی دمین بوراده اولسه یدیکز .
خیقا - آخامجغم اولکی بابا ثانی بابایی ایشدیردیکز . بت
لال ایله تنوم دیدکلی شکوفه یی قاجیردیکز یازقلر اولسون .
رحلتی - کل قیزم ، الکی اوزات زوجکه سوز ویر .
سلما - آه افندم پدر ..

رحلتی - ای آی افندم پدر ... باق شوکا نه دیر ...
سلما - آمان ، جانم افندم م عجله ایتمه ییکز . بیلیشه لم ،
قونوشالم . صدق و وفاق ایله اساس اولان میللر حصولنی بکلیه لم .
طامنز - کوچوک خانم ، بنم حیاتمدہ میل حاصل و زیاده
میل انتظار حاصلی تحصیل قییلیدر .

سلما - افندی سزده بلنکه ادراک هم استعداد وار آما
بنم طرفدن او یله دکل . داها سزک هنر و حصائلمکزک روحه
هیچ برتائیری اولمدی . اکر مروت صاحبی اولسه کز البته

انسانی زار و زور آلمغه راضی اولامز سکز .

طامز - کوچوك خانم . لاتسلم النتيجه بن هم مروت صاحبي
اولوب همده پدريكز ويرديكي حالده سزى قبول ايتك امكاندن
دور دكلدر .

سلما - انسانه زور ايتك محبت و انسيته وسيله بولمغه بر
چير كين اسلوبدر .

طامز - کوچوك خانم . آثار متقدمينده مشاهده ايدهرزكه
عروسلى پدريك خانم سندن قايىق و كويا اول عصمتپناهلر
أره رضاليله كيتامك كبي عادت مرعيه لرندن ايمش .

سلما - افندم متقدمين متقدميندر . بز بوزمانه آداملى
اولويورز . زمانه مزده اويله اويونجاقلر ، مقلدلكلر بزلره لايىق
دكلدر . سز بر آز صبر ايديكز ، اكر بكا يرتمينكز وار ايسه
و كرچك ايسه بنمده رضامى تحصيل ايديكز .

طامز - اوت کوچوك خانم . اما بوراسى رغبتيمه مخالف
موانع مستثنا اولمق شرطيله در .

سلما - رغبت و حرمتك علامتى آرزومه موافقتدر .

طامز - کوچوك خانم . بن احتياط ، استقصاد و استقسط
ايدرم مقصده وصلتك موانعنه لاتسلم لاماعداسنه فها .

خيفا - خانمجنم نافله مناظره ايدرسكز ، افندى يكي مكبتدن

قورتلش . سزه جوابی چاقار . نیچون دیره نویده طبایته برواسطه
ایله ایلشمنک دولتی ته پیورسکنز ؟

جلما - بلکه ذهنتده بر قوردینی وار ، برینه میل ایتشدرد .
سلما - خانم . اکر میل اولسه ناموسک و عقلک جائز
کوره چکی بر میل اولور . اسف ایتمه ییکز خانم .

جلما - افندی یر کزده اولسه هیچ بو زوری ایتمزدم .
آره هیچ ویرمزدم . نه یاپاجغمی بن بیلوردم .

سلما - خانم . نه دیمک ایسته دیکیزی بن ده بیلوردم... حقمده
حسن ثباتکیزی ده سز دیررم اما اومارمکه سزک دیدیککیز اولوب
چیقمز .

جلما - ظاهر چیقمز . سزک کبی تربیه لی اطاعتلی قیزلر بابا
سوزینی دیکله مکی امور سارمی ؟ اومور سامازا او اسکیدن صایلیر
بر صایغی ایدی .

سلما - خانم بابالر اولاده مروت نه در بیلیر ، هر شینک
اصول وارکانی واردر خانم .

جلما - صانکه ایستدیککیز آداهه واریرسکنز دیمک اولور .
سلما - اکر پدرم بکنیله جک بر آداهه ویرمز سه یالواریرم ده
هیچ اولمز سه بکنم دیکم بر آداهه زورله ویرمز .

رحلتی - او . او . بوراده بن نه چی اولیورم ؟.. افندی

معذور طوتوگز ، بونلره باقمايکز ، سزه رجا ایدرم .

سلما - آخانم اُره وارمقده هرکسک برقوردینی واردر .
 بن برأری ایسته یکه خالدن آکلار اولسون عمرم اولدجه یار
 اولسون . بوراسنی کوزمدن آیریم . کمسی واردر که والدینک
 صیقیدسندن قورتلوق .. بیلوب ایسته دیکنی ایشله مک ایچون اُره
 کیدر ، کمی ده ازدواجی مال آلیش ویریشنه ؛ گاه بر تجارت
 قایسی ایدینوب ارلرینک میراثی پیوب زنکین اولمغه یول ایدر .
 مال بولمق ایچون اُردن اُره کیدر ؛ اومت خانم ایشته اوله لری
 قوجه سی اوله جق ناصل آدامدر ؛ آنی هیچ قید ایتمز .

جلما - او خانم بوکون دیلکز هیچ دورمیور ؛ عجباً
 نه دیمک ایسته یورسکز ؟

سلما - ایشته خانم سویله دیکمی دیورم . صانکه نه
 ایسته یه جگمشم بن ؟

جلما - آمان اوله طانسز اولمش سکز که آرتق خانم چکلمز
 اولمش سکز .

سلما - خانم صانکه بکانادانلق ایتدیرمک ایستیورسکز .
 آغزمدن سوز چیقارته جقسکز اما نافله در . مرامکزه خدمت
 ایتیم . خاییر آغزیمی آچام .

جلما - آرتق سزک ادب سز لکزه اندازه یوق .

سلما - خاییر خانم ، خاییر نافله در آغزیمی آچام .

جلما ، (دیش-ای به چیقان سلمایه) - یوروتکز بویوک آما
مسخره لوق جارسلیککز ، خدیندلیککز حددن آشقین کپازه لك
هر کس یاقه سیلکیر حالکیزی بیلمزسکز .

سلما - دیدم یا خانم بوسوزلر نافله در . سزه نسبت عقمندن
شاشام . لاقیردی سویلتمکه چالیشمایسکز . ایشته قارشیکزدن
کیدرم ده تك آغزیمی آچام .

رحلتی - بنی دیکله قیزم . بری باق . درت کونه قدر
نکاحه حاضر اول ؛ اقرار یکی ویر . یاخود سنی اودن طرد
ایدرم . (جلمایه خطاباً) هپ کورورسکز . اونی ناصل
یوله قوروم .

جلما - افندم بر بکلمه یه جک برایشم وار . سوقاغه چیقا جغم .
شیمدی ینه کلیرم .

رحلتی - ها جکر جکزم کیت ده هم مقیده ینه اوغرا
جانم . بیلیورسک یا .

جلما - تا کری به امانت سلطانم .

رحلتی - جابوق کل ایکی کوزم نوری .

برنجی مجلس

رحلتی ، لیتی ، طامنز لیتی ، جلما

رحلتی - جانم آه . اهل نه قدر سه وهه . اما نه قدر سه وهه در آه .
 لیتی - افندم رخصتکنز .. آرتق سزه وداع ایدرز .
 رحلتی - جانم افندم ابتدا بکا بر باقسه کز .. ناصلم عجباً .
 لیتی - ای طامنز . هایدی باقالم . افندیکنک او بر نبضنی
 آل .. ما تقول ؟

طامنز - اقول انه نبضی شریفلری برخسته نبضیدر .
 لیتی - اه لا باس .
 طامنز - اقول انه نبضی صلبدر دیمیم اما خلیججه سریعجه .
 لیتی - اه لا باس .
 طامنز - دافع مختلیج
 لیتی - اعلی .
 طامنز - حتی بر آاز حاجل منهمک
 لیتی - اعلی !
 طامنز - بوده او عیة طحالیه ده یعنی طالاقده بر عدم اعتداله
 بر انتفاخه دالدر .
 لیتی - اعلی .

رحلتی - یوق حقنتی افندی دییور که قره جکر سقطدره
 لینتی - اوت ... اوده بودیمک چونکه طحال دیند کده
 جکر دیمکدر . طالاغک جکره یواب سافل و مجرای صغرا
 واسطه لریله کمال مناسبتی واردر . البته سزه بول بول کباب ییدروزه
 رحلتی - خاییر یالکز خاشلامه ییدرر .

لینتی - تمام اوده بودیمک . کوزل ترتیب ایتمش دها ایسی اوله من
 رحلتی - افندیم عجبار افادان یومورطیه قاچ دانه طوز قوسه م؟
 لینتی - افندیم . مزاجک ، صغراوی بلغمی ، اولدیغنه
 کوره آلتی ، سکز اون دانه طوز وضع اولنه . دائما چفت
 چفت اما علاجلرده تک تک استعمال اولنه .. خدایه امانت افندیم .

سکرنجی مجدی

جلما ، رحلتی

جلما — افندیم کیدر کن سزه برخبر کتیردم . اوطة سنک
 او کندن کچر کن سلما خانمک یاننده برارکک کوردیم .
 رحلتی — سلما ناک یاننده می ؟

جلما — اوت جانم !.. حسنا ده یانلرنده طوروردی .
 رحلتی — کل ... حسنا بی چاغیریکز . حسنا . کل ...
 (یالکز) آنک ایچون بکا بویله دایا یور اویله می ؟

طغوزنجی موبدی

حسنا ، رحلتی

حسنا — افندی باباجغم، نه ایسترسکز؟ بنی چا غیرمشسکز.
رحلتی — ها کل باقیم . بری کل، یوزومه باق، یوزومه
باق باقیم . خی .

حسنا — نه ایسترسکز افندی باباجغم؟

رحلتی — ها . حی . هم .

حسنا — نه ایسترسکز افندی .

رحلتی — سنك بكا بردیه جكك یوقیدی؟

حسنا — تیلکی ماصالنی سویله می افندی باباجغم؟..

رحلتی — اوئی صور میورم .

حسنا — ای نه سویلیه می یا...!

رحلتی — سنی حیل کار . سنی مکار . نه دیه جکمی

بیلیورسین .

حسنا — نه بیله می افندی باباجغم؟

رحلتی — وای سوزومی بویله می طوتیورسین؟

حسنا — یا نه پادیم افندی بچکم؟

رحلتی — هر نه کورورسهك کل بكا خبر ویر، دیمدمی؟

حسنًا -- دیدیکز افندی باباجغم .

رحلتی -- ای بوکون نه کوردک ؟

حسنًا -- هیچ .

رحلتی -- هیچ می ؟

حسنًا -- هیچ برشیجک کورمدم ، افندی باباجغم .

رحلتی -- یا کرچک کورمدوکی ؟

حسنًا -- خیر افندی باباجغم ، برشیجک کورمدم .

رحلتی -- یا .. ای اوپله ایسه طور بن سکا برشی

کوستردیم (دیواردن قامچی آلور)

حسنًا -- امان افندی باباجغم . امان افندی باباجغم .

رحلتی -- ها قرده شکک اوپله سنده سن بر آدم کورمدوکی ؟

حسنًا -- آه آمان . افندی باباجغم .

رحلتی -- بن یالان سویله مکی سکا بونکله اوکرده دیم .

حسنًا -- آمان بنی دوکمه افندی باباجغم قوربانک اولایم ،

دوکمه . قرده شم «سویله مه» دیدی . آمان جانم باباجغم

آمان ایشته سویله یهیم .

رحلتی -- یوق اولماز ابتدا سنی بویالان ایچون شویله شویله

دو کرم .

حسنًا -- آمان ایتمه جانم . بابا . آمان . آمان آی . اولدم .

رحلتی - ها ... ته او .. حسنا نه در ، حسنا ... حسنا ،
 قیزم . نه اولدک جانم آه بو .. بونه در . حسنا ، قیزم . حسنا .
 ایوا . حسنام اولدی . نه یادم . آ . نامرد . نه ایتدم حسنام
 کیتدی ... خان دکنک سن ایتدک . آه . حسنا جغم اولدی .
 کیتدی . آه . آه . آه .

حسنا - آغلامه باباجغم ، داها اولمدم .
 رحلتی - آه بنی قورقوتدک های او یون باز های . ای بو
 سفر عفو ایتدم اما طوغریسنی سویله بکا ها .

حسنا - پک ابی افندی باباجغم .
 رحلتی - آما کوزت باق شو بارماغم هپسنی بیلور . یلان
 سویلر سهک بکا ده بی ویر که .

حسنا - آمان افندی باباجغم . یلان سویلمم اما صاقین
 قرده شم طویمسون .

رحلتی - یوق ، یوق .

حسنا - آ باباجغم قرده شمک او طه سنه بر آدم کلدی . نه
 ایستر سکز دیدم « موسیقی اوسته سی یم » دیدی .

رحلتی - هوم ، آ کلاشلدی .

حسنا - قرده شم کلدی « آمان صاووشو کز ، آمان چکیلوب
 کیدی کز . بنی اولدیره جکسکز ، بوراده دورمایکز . بکا قیار .
 سکز ، دیدی .

رحلتی - اأأأ ای ...

حسنا - کیتمه دی . آیاغنه قاپاندی ، آلی اودی .

رحلتی - ای سوکرا .

حسنا - سوکرا اووهی آنام قاپی به کادی ، او آدم قاچدی .

رحلتی - ای داهای ...

حسنا - داهاسی بوقادار .

رحلتی - اما ، باق سرچه پارماغم ویزلیور . ها ، هوم ،

ای ، ها . باق نه لر دییور .

حسنا - آباباجم اویله ایسه یالان سویلیور .

رحلتی - آه اویله ایسه هایدی او طه که کیت هایدی ؛ هایدی

آمان دنیاده چو جو قلق قالمدی شیطان اولدی لر آمانه بلالر

نه صیقینتیلر خسته لغمی دوشونه جک حالم قالمدی راحت قالمدی

امان مجالم قالمدی راحت یوق اوف راحت یوق آه ، آه .

اونجهی مجلس

سعاد ، رحلتی

سعاد — ای برادر ناصلسکز ، ایومیسکز ؛ افندیم ؟

رحلتی — آه برادر ، ایملک نروده ... مجالسز اگدن

آغیز آچوبده لاقیردی ایده میورم .

سعاد — واه افندیم ، یازیق ؛ بن ایسه سزه بر تکیفم وار . اونك لا قیردیسنی ایتکه گلشدم .. سلمایه ..

رحلتی حدتله قونوشه رق واسکمله سندن قالقه رق — برادر شو آشفته نك ، شو حیا سزك شو نامردك آدینی آکه .. بکا باق .. بن اوکا نه یاپاجم کورورسکز .

سعاد — ای پک ای اما ، باقکز ، آچیلدی . جانلاندیکز بر آز اکلنسه کز ، بر کره کلورسکز خیارشنبه یمکدن ای کلیر*

اورمیجی یوده برنجی مجلس

سعاد ، رحلتی ، خیفا

خیفا — یاهو آغا ، خیاشنبه نك ایسی پک اعلا شیدر . سعاد — ای افندی برادر ؛ شیمدی بز بر آز قونوشالم . رحلتی — آمن طور برادر ؛ بر آز بکله ، شیمدی کلورم . خیفا — هو افندی دکنسکیزی آلمان زهیه کیدیورسکز ، ناصل یورورسکز ؟

رحلتی — ها آمان کتیرویر .

* فرانسزجه اصلنده بورایه کانجه مراقی نك قوده نی ، خارقانی اکلندیرمک ایچون قادین ، ارکاک دولی اویونچیلرک بولوندمی بر ساحه یه کوتورور .

ایکچی مجلس

خیفاء سعاد

خیفاء - آمان سعاد افندی بزی فدا ایتیکنز . سلما خانمہ
 پک یازیقدر .
 سعاد - باقیم ، آدن کلنی دروغ ایتیم . مرادنی استحصاله
 سعی ایدرم .

خیفاء - آمان افدینک ذهنته قودینی بو آواره ایشدن اونی
 کچیریکنز . بن حقتینک یرینه بورایه ایش-حزہ کلور بر طبیب
 یاناشدیرمه سنی قورمشدم . اوندن بیقدیروب اوصاندیرمه سنی
 ایستردم اما املک آلتندہ مناسب آدام یوق . باقیم کندم براویون
 چیقارایم ناصل اولور ؟

سعاد - آقیز ، نه یاباجقسین ؟

خیفاء - باقیم ، عقل خرجی دکل اما بر ایش یاپایم خیرکله .
 سز همان کندی ایشیکزه باقکنز . ایشته سز ککی کلیور .

اومرومچی مجلس

سعاد ، رحلتی

سعاد - ای برادر ، سز کله بر لاقیردی ایدہلم ؛ آما اولاقول

ایده لم ؟ قیزوب حدت ایتمیگز .

رحلتی - ای پک ایی .

سعاد - دینه جکلمه آجی جواب ویرمیگز .

رحلتی - پک ایی هایدی باقالم .

سعاد - بختمزی غرضسز سورهم . مرامز آ کلاشیلسون .

رحلتی - ای پک ایی دیدم یا آرتق مقدمه ایسته مز .

سعاد - برادر ، یتیشمش بر قیزیگز وار . مالکزده وار .

اونی رد و طرد ایته سوزی زدن نشأت ایدیور ؟

رحلتی - برادر بنم اویمده ایستدیگمی یاپاماق زدن

نشأت ایدیور ؟

سعاد - اهلکز قیزلر کزی سزدن آیروب یوقسول ایتک

ایستر ، کندیسنه یورار . نفسنه مروتی وار .

رحلتی - ها تمام ایشته . قصه نک باشنه کلدک . نه اولسه

زواللی خاتوندن بیلیرلر . هر کس اوکا خصم اولمش .

سعاد - خیر برادر ، اونک سوزینی کچلم . او اولاد کزه

خیرخواهدر ، مهرباندر ، کندی فائده سقی هیچ دوشونمز ،

مروتی اثبات ایدر ، پک کوزل . بونلری تسلیم ایده لم ، یا سزک

نرهدن عقل ایدوبده قیز کزی بر طیب شسا کردینه لایق

کورپیورسکز ، زورله ویریورسکز ؟

رحلتی — شورادن عقل ایده رم برادر که بکا بر طیب
داماد لازم ...

سعاد — وای برادر ، قزیکز می آره واریور یوقسه سز می ؟
کندی حاجتکزی صاغلور سکز .

رحلتی — هم قیزم آره واریور همده اومزه بکا لازم
بر آدم کلیور .

سعاد — اوپله ایسه او بر قیزی بو یودوب اجزاجی یه ویره لم .
رحلتی — آی اولمز شیمی ایش ؟ ..

سعاد — آ برادر بو طیب ، اجزاجی دردندن کچمیه -
جکمیسکز ، زورله طبیعتی اوزوب کندیکزی خسته می ایده جکسکز
رحلتی — بونه دیمک اولاجق برادر ؟

سعاد — دیمک اوله جق که هیمزدن صاغلار مسکز . بنده
سزک بنیه کز اولسنی آرزو ایدردم . بو قادار علاج ، اذیت
ایتمشکن وجودی چور و ته مدیکز حالا ..

رحلتی — آ برادر بیلمز میسکز که بن بوتیمارله ، بو علاج لره
طور یورم . حقتی افندی دیر که ، ا کر بکا اوچ کون باقیه جق
اولسه بن آلدن کیدرم .

سعاد — اوت تیمار ایده ایده آلدن کیدرمیه کیدرمیه بر
کون یاقه کزدن سورویوب آخرته کوندره جک .

رحلقی — وای برادر سن بو طیبیلره اینا میورمیسین ؟
سعاد — خیر افندم ، اینانه میورم ، هیچ اعتماد یوق ،
بوندن عقیده بر ضرر وارمی ؟ طیبیلر لاتینجه سـ ویله مسنی
بیلیر . خسته لقلرك اعضانك ، ادویه نك عربی اسملری صایار لر .
علملری بر سفسطه دن عبارتدر . خسته لقدمه انسان کنندیسنی
ای قوالانسه داها شفالی اولور . طبیعت یاردیم ایدر ، خلقك
چو غنی تداوی مراقندن اولور ، حیاتدن اولور .

رحلتی — اوت سز بر علامه حکیم سکنز ، کورویورم .
هرشیئک اعلاسی بیلیورسکنز . آه اوسته لک بریسی بوراده
اولیدی انی آغزیکزی طیقاردی .

سعاد — بنم كمنه ايله غوغام يوق. كوردى كى سويليورم.
كوز كزك آچيلمى و كوكلا كزك اكنمى اچون سزى موليه ره
كوتورمك ايستردم. بر كره اويونلار نده نه لر ديمش ايشيتسه كز..
رحلى — ها اوت . او سزك موليه رده برياوان ادب سزكه
اطباي بولمى اويونه چيقاروب هجو ايدم جك؛ طبابته راي كور
ستره جك مسخره ؛ احمق . بويوك آداملره ديل اوزاتوب
صالاجق آزغين بدعت ..

سعاد۔ ای اقدم آئك طبایه سوزی یوق جاهل طیبیلرک
حالی کوسترین . حقه باز لعلرینی میدانه وورور . تیاتروده جهـ

نکیرلری ملوکی کوستریرلر . اطبیائی نیچون اوینا نامسونلر .
هر صنف بشرک عیب وهنری وحیرت وعبری واردر .
رحلتی — اکر بن طیب اولسیدم اوکا حدینی اوکره تیردم .
برکون اولور محتاج اولوردی . « پاطله ، پاطله ، کبر ؛ هایدی
طیبیلری هجو ایله ! » دیردم . آمان شو حریفک لاقیر دیسنی ایتمه که
بوغلیورم .

در درنجی مبدی

رحلتی ، سعاد ، زهرتی چلی

(اسپنچیار کلور یعنی اجزاجی) — ها اوت برادر اذن
ویریورسکزی !

سعاد — جانم نه ایچون ؟ نه یاپه جقسکز ؟ .

رحلتی — شو تنقیه یی کتیر مشلر . شیمدی اولور بستر .

سعاد — جانم لطیفه می ایدیورسکز ؟ برآن علاجسز ؟

تنقیه سز طوره مز میسکز ؟ بشقه وقته قالسون . برآز راحت ایدیکز .

رحلتی — زهرتی چلی ؛ آقشامه ها .

زهرتی سعاد — سز طیبیک ترتیبی منع ایتمکه ؛ افندی یی

اخته اندن دفع ایتمکه نیچون قاریشورسکز .

سعاد — هایدی چلی ؛ هایدی . یوقاریدن آشاغیدن سوز

قاریشدیрма ؟ صاوول کیت ..

زهرتی — بن بورایه طیبیک ترتیبیه کلدیم . کیده میم حقتی

افندی به امره مخالفتمیزی؛ مأموریتك اجراسنه مغایرتی کزی
خبر ویریم . کورورسوکز ؛ کورورسوکز . (چقار)

شیمی مجلس

رحلق ، سعاد

رحلقی - برادر باشمه بر بلا کتیره جکسر .
سعاد - واه واه ؛ نه بویوک بلا . حقتی نك احتقانی کپرو
قالمش آ برادر . بواطباه مبتلا اولمق علتندن سزی قورتارمیه .
جقمی یز ؟ علاجه می بوغولا جقسکز آدام .
رحلقی - آم برادر کیفکزر یرنده ؛ ایسته دیککزر کپی
سویله ییکزر .. بنم یرنده اولسه کز آغز ده کیشیر .
سعاد - آ جانم نه زور کز وار ؟
رحلقی - ظالم ، ستمکارا بنی قودورتاجق . بن اولیورم .
دها نه وار دیور . کوه زه لك ای دیور . های امان ایشنه
حقتی افندی !

التیمی مجلس

حقتی ، حیفا ، سعاد ، رحلقی

حقتی - آشاغیده کوزل خبرلر آلام یا هو ! بوراده
بنم تدیرمی ذوقلنیورلر . کندی ترتیب ایتدیکم تنقیه بی کپرو
ایتمشله اوله می ؟

رحلتی — خیر اقدام ! بوندن ...

حقتی — بو نه جرأت ! بر مریضك طیبینه بویله جه عصیانی

نه جسارت ؟

خیفا — آمان دیمه ییکز قورقاجق شی !

حقتی — بر تنقیه که، کندم ترکیبته اهتمام واعتنا ایتشدم.

رحلتی — خیر ، بن دکلم که ..

حقتی — علمك اس وقاعده سنجه احداث وتشکیل ایتش

اوله یم .

خیفا — فنا ایتش ، فنا ایتش .. !

حقتی — بر اثر غریب پیدا ایده جك تنقیه یی ..

رحلتی — بنم برادرم اونی ..

حقتی — تحقیر ایله کیرو کوندرمك ..

رحلتی — ایشته بو ..

حقتی — خارق العاده ، خارج عقل بر حرکت ..

خیفا — کرچك او یله ..

حقتی — فن جلیل طبایفه قارشو بر قصد بی حدود بی امثال .

رحلتی — بو سبب اولدیکه .

حقتی — جزای سزاسنك تحدیدی عسیر و بلکه محال بر

جنایت ، قتال ..

حيفا - حقكز وار جانم ؛ حقكز .

حقنتی - سزه اعلان ایدرم که بوندن صوکره بینمزده
معامله مقطوع ..

رحلتی - قارنداشمدر که ..

حقنتی - عقد وصهریت تجارتی منفسخ ..

حيفا - آبی ایدرسکز ؛ طوغریسی حقکز وار.

حقنتی - میانه ده کی رابطه مراوده بی بیتیرمک ایچون ایشته
یکنمه عقد نکاح شرطیله نفی مال ایتدیکم حجتی ؛ باقکز . نه
پاپیورم (بر بویوک کاغد چیقاریر پیرتار)

رحلتی - آ جانم ایشته برادر اونی ..

حقنتی - تنقیه می تحقیر ایتمک ها ..

رحلتی - آمان کتیرسینلر ، شمدی طوتهیم .

حقنتی - یاقینده هپسندن سزی قورتاروب طوبی اخلاطی
وجود کزدن سوکدیره جک ایدم . اون اون بش احتقان دها
جمله تمیزلنه جک ایدی .

حيفا - آکا لایق دکل اوخ ایشته محل اولسون .

رحلتی - ایواه کوردکی برادر ؟ (آغلار)

حقنتی - چونکه بنم سعیمله ای اولمغه راضی اولمديکز ..

رحلتی - خایر ، اوپله دکل .

حققتی - چونکه طیبیه واجب اولان حق اطاعتدن کردن
چو یردیکز .

رحلتی - آ جانم او یله دکل .

حققتی - چونکه ترتیب ایلدیکم دوالره بنی و طغیان و عصیانده
بولندیکز .

رحلتی - خایر ، آ جانم .

حققتی - شری بنیه کزک کسالت و ردائنه ترک احشا کزک
اعتدالسزلغنه ، قان کزک حموضت و حرارتنه تسلیم ، صفرا کزک
مهرارتنه و اخلاط کزک امتلاحنه تودیع ایله تسفیل ایده روم .

رحلتی - آمان آمان آمان آه آمان .

حقیقاً - اوخ ، محمدر ، اوخ ، اوکره نسون .

حققتی - بیلیرمکه دوت کون ایچنده مریض لاعلاج اولورسک .

رحلتی - آمان .

حققتی - قریباً امتلایه اوغراسین .

رحلتی - آمان حققتی افندی .

حققتی - آندن التهابه .

رحلتی - آمان آمان

حققتی - التهابدن انحدابه :

رحلتی - آمان حققتی افندی !

- حقتی - انحدایدن انصداعه .
 رحلتی - آمان آمان حقتی افندی !
 حقتی - انصداعدن انفساده .
 رحلتی - آمان حقتی افندی .
 حقتی - انفساددن انخرزاعه .
 رحلتی - آمان حقتی افندی
 حقتی - انخرزاعدن انقطاعه .
 رحلتی - آمان آمان حقتی افندی -
 حقتی - انقطاعدن اندیاله .
 رحلتی - آه آمان حقتی افندی .
 حقتی - اندیالدن اسهاله .
 رحلتی - آدم آمان حقتی افندی .
 حقتی - اسهالدن انخیایه واستسقایه ..
 رحلتی - ایواه ، آمان حقتی افندی !
 حقتی - استسقادن صرعیه طوتولورسین .
 رحلتی - های ! های ! آمان حقتی افندی !
 حقتی - صرعه دن انثباته دوشرسین .
 رحلتی - آمان دخیلک حقتی افندی !
 حقتی - انثباتدن انقطاع حیاته قدر واریرسکز که آرتیق

أولوم ديمك . حماقت وجئتكنزك دلالتيله معدوم اولورسكنز .

يدنجى مجلس

رحلقى — سعاد

رحلقى — آمان ياربي ؛ بيتدم . اولدم ، كيتدم ! برادر !
ايشته سن بكا ايدى جككى ايتدك . ايواه دردلى باشم !

سعاد — نه وار جانم نه اولدى ؟

رحلقى — آه ! داهانه اوله جق ايشته . بن وجودمده
آكليورم كهفن جليل طبابت انتقامه شروع ايتدى . (قارننه وورور)
سعاد — برادر دلميسكنز . بويله ايتديككزي كيمسه
كورمسون . جانم كنديككزي يوقلايكز . نه وار شكرلر
اولسون . كنديككزه كليكز . خوليايه قالمايك نافله !

رحلقى — آمان جانم برادر ! نه عجايب خسته لقلر سايدى !

سعاد — نه عجايب صافدرون مزاجى بو !

رحلقى — برادر درت كونه قدر لاعلاج اولورسك ديدى .

سعاد — اى ديمككه نه اولور ؟ اجلكز اونك النده مى ،

اراده سيله عمر ككزي اوزالتيرمى ؟ . باق باق قيصة التماسنه

قارشىم . طيب ا كسيكلكمى وار ؟ ايشته حاضر حريفدن

قورتولدكز .

رحلتی — آه ، آ برادر ! طیبی ، مزاجی او بیلور .

سکزنجی مجلس

خیفه — رحلتی — سعادت

خیفه — افندی ، سزی بر طیب صوریور .

رحلتی — ناصیل طیب؟

خیفه — ایسته طبابت طیبی !

رحلتی — جانم کیمدر؟

خیفه — بیلم اما ، بر المانک یاریسی کبی بکا بکزیور...

ا کر والده مدن شهیم اولسه بابام اولدکدن صوکرا بکا کوچوک

بر قردهش ایدنمش دیردم .

رحلتی — کلسون .

طقوزنجی مجلس

رحلتی — سعادت

سعادت — کوردیکز می ، هر دیله ککز چیقوب اولیور .

بر طیب کیدر کیتمز دیگری کلیور .

رحلتی — برادر قورقارم که فلا کتیه سبب اولورسکزه .

سعادت — وای جانم ینه می او لا قیردی ؟..

رحلتی — یا اونک صایدینی خسته لقلری بیلمیورم . حالا
پوره که درد اولدی . هضم ایده میورم .

اونجی مجلس

رحلتی — سعاد — خیفایا (طبیب قیافتنده)

خیفایا — افندیم رخصت کزله سزه کلوب قان آلتق، علاج
تنقیه ایتمک خصوص لرنده خدمتمی عرض ایده رم .
رحلتی — صفا کلدیگز . مکرم اولک برادر . خیفانک
تا کنیدیسی !

خیفایا — افندیم، اوشاغمه بر تنبهم وار ، عفو بویوریکز،
سویلیوب کلیرم (چیقار)

اون برنجی مجلس

رحلتی — سعاد

رحلتی — برادر ! نه دیر سکز ؟
سعاد — اوت طبقی آکا بکزر اما ، بویله آندیرش لک
ایشالی چوقدر .

رحلتی — بن حیرتده قالدیده شو ...

اون ایکنجی مجلس

رحلتی - سعاد - خیف

(او قادار چابوق البسه سنی د کیشدیر مسنک امکافی یوق)

خیفا - بویور ، افندم !

رحلتی - نه او ؟

خیفا - چیغرمادیکنز می یا ؟

رحلتی - بنی ؟ ... خایر !

خیفا - آه قولاقلم چینلامش ، ظاهر !

رحلتی - بر آز کیتمه . طورده باقی سکا طیب نه قادار

بکنزیور .

خیفا - آی افندم ، بنم ایشم وار ، آشاغیده اونی کوردیکم

الویور . (چیقار)

اون اوچنجی مجلس

رحلتی - سعاد

رحلتی - ایکیسنی ده کورمه سه م ایکیسنی ده بر صانیردم ،

دوغریسی :

سعاد - اما چوق اولاغاندیر ، اولیه مشابهلر چوق

کورولشدر .

رحلی — باق بن اولسه آلدانیردم . ایکسنی برکیشی
دیه یمین ایدردم .

اون دردنجی مجلس

رحلی ، سعاد ، خیفا (طیب قیافتنده)

خیفا — افندم بنی عفو بیورورسکز . سزی بکله تدم .

رحلی — دوغرومی برادر شاشه جق شی !

خیفا — افندم سزک کبی بر مشهور خسته بی کورمه بی پک
ایستردم . اشتها رکز هریرلره یاییلوب بنی بومراقه دوشوردی .
سزه کلدیم . جسارتمی عفو بیورورسکز .

رحلی — افندم ، بو بکا بر شرفدر . سزک بن بنده کزیم .

خیفا — کوروروم که یوزومه پک دقتلی باقیورسکز قاچ
یاشنده ظن ایدیورسکز بنی !

رحلی — افندم نهایت یکرمی آلتی ، یکرمی یدی اولمی .

خیفا — هاهاهه هاهاهه هاهاهه افندم . تمام طقسان یاشنی
کچدم .

رحلی — های طقسانمی ...

خیفا — صنعتله ، معرفتله ، هم یوزم هم قوتم یرنده .

رحلتی — ماشاء نه کنج اختیار! نه کوزل اختیار!
 خیفا — افندیم، بنده کز بلده دن بلده یه، ولایتدن ولایت
 کزهر برطیبیم. علممه، شامه لایق کوچ خسته لقلر آرام
 بویوک خسته لر پیشنی کزهرم. کوچوک علتله باقام. صیزی،
 کوکس اینه سی، ایصتمه، باش آغریسی... او یله شیلری
 بکنم. بنده کز افندم کسکین قره حمار، محرقه مطبقه لر،
 کوزهل و بالر، شدید طاعونلر، ایلرله مش استسقار، ورملر،
 یوره ک جگر التهابلری... او یله شیلری سه وهرم. آه افندیم!
 سزده بوشدید خسته لقلرک کشکه طوی بردن بولونسه یدی ده
 طبیبلر حیران قالب آرتیق سزی برافسه ایدی یاخود حالت
 نزعه کتیرسه یدی بن اوزمان یتیشوب سزه باقق، خدمت
 ایتمک نه در، علاج نه در کوسترسه یدم.
 رحلتی — همتکز وار اولسون!

خیفا — شونبضی کوریم. ها! هم یوقاری باقیم دوغرول!
 او رها! یاراما ز نبض سن بی داها بیلمیورسک. دوغرو
 دور دورورم بن ها! طبیبکز کیم اولویور؟..
 رحلتی — حققتی افندی!

خیفا ایتالیالی میدر، هیچ بیلمیورم او یله طبیب! مشاهیر
 ایچنده ایشید یله مشدر. خسته لغکز نه دیر؟

رحلتی — جکردندر دیور آما باشقلری دالاقدر دیدی.
 حیف — جاهلر نه شارلاتان شیطانلر ! ایشه آق جکر !
 ایشه آق جکر ! (وورور) بونده شهبه می وار نه طویارسکزه
 نه کز وار ؟

رحلتی — آراقده آغیر باش آغریسی اولور.

حیف — آق جکردن ...

رحلتی — کوزلر مه بر قارا پرده چکیلیر .

حیف — آق جکردن .

رحلتی — جان اویم آغرییوب یوره کم بولانمغه باشلار .

حیف — آق جکردن ! آق جکردن !

رحلتی — آرتق قولم قانادم کسلیلیر .

حیف — ایشه آق جکردن . یمکی اشتها ایله یرمیسکزه ؟

رحلتی — اوت پک اشتها ایله !

حیف — آی بوندن ده کیدرمیسکزه ؟ (اشارت)

رحلتی — اوت طیبیک آمریله !

حیف — یمکدن صوکره اویقو باصارمی ؟

رحلتی — اوت هر کون !

حیف — آق جکر ! جانم ! آق جکر ! طیب نه یمک

بیدیر ؟

رحلتی — چوربا !

خيفا -- جاهل !

رحلتی -- طاووق !

خيفا -- جاهل !

رحلتی -- نازه يمورطه !

خيفا -- جاهل !

رحلتی -- خفيف قويون سوکوشی !

خيفا — جاهل .

رحلتی — پيشمش ألما ، آقشاملری پيشمش اريك

فائده در ۴۰۰

خيفا — جاهل . اجهل . مستهجل . سزه صيغير آتی

لازم . اما محفی ، اعلا کباب تنور پریانی قوتلی پاچار ، طوکمش

أت صولری ... ايشته بویله شیلر . بن سزه بو طرفله اوغرا دقچه

مخصوص کلیر باقارم . سزك طيپیلر پك اشك . اما پك . قوتکز

عقله صیچرامش او کوز اتيله وجوده دوندورمه لی . مثلاً باقیکنز

شوقولکزك قوتی آز . شونی کسکز قوت بوتون بوتون بوکا

کلیر . سزك یرکزده اولسه م کسديررم .

رحلتی — امان افندیم دور او بکا لازم .

خيفا — ای افندیم ، سزه وداع ایدرم . عجله ایشم وار .

بنی بکەرلر . دون بریسی اولمشیدی . اونک قونصولتوسنه
کیدیورم .

رحلتی — ناصل لاقیردی اوله نک قونصولتوسی اولور میمش؟
خیفای — اوت ، اطبا قانوننک خلافتنه اولیو یرمک اولماز .
سز خدایه امانت .

رحلتی — افندیم ، عفو ایدرسکز . بیلیرسکز که خسته لر
تشییع ایتمز . (خیفای چیقار)

اوره بشتی مجله

رحلتی ، سعاد ، خیفای

سعاد — آمان ، ایشته بو برکسکین اوسته ، بر ماهر طبیب
اما براز حشری ...

(خیفای بریله قونوشور کبی یاهرق) — ای پک ای صفا
کلدیکز . بنم ا کلنجه وقتم دکل .
رحلتی — نه او؟ ..

خیفای — سزک طیب زورله نبضمه باقه جق .
رحلتی — کوردکی برادر طقسان یاشنده کامل آدمی .
سعاد — ای برادر . وقت سوزله کچدی حاضر شو حقتی
الندن قور تولمش کن سلمایی ایسته ین آدامک لاقیردینی ایتسه ک

رحلتی -- یوق خایر... او بکا دیک باشلق ایتدی . هم
خبر آلام ، بوايشده میل فلان سوزلری وار . هله یاپاجغمی
بیلیرم .

سعاد -- دیمك كه ینه بریسنه یارایاجق .
رحلتی -- برادر اوپله دیمه . ینه خاتونك كناهنه کیرمه .
اونك قلبی باشقه در ، او بنی سومر . ایشته خیفایه صور ، ناصیل
باقار . ناصیل تیمار ایدر ، آه خسته لغمی درد ایدینیر .
خیفایه -- ظاهر باقیکنز ، بن سزه خانم بزم افندی یه نه قدار
صداقت ایدر ، آتشلره کیرر اثبات ایدیممی ؟ جانم افندی
اذن ویریکزده شوکا یا کلشنی کوسترمیم .

رحلتی -- ناصل ایدرسك ؟
خیفایه -- شیمدی کلیر . سز شو صندالیه یه اوزانوب قیپردا .
ماییکز . اولو کی یاتیکنز ، کورورسکز ، نه یاپار .
رحلتی -- پك ای ، هایدی باقالم .

سعاد -- اما چوق اوزاتماییکز بر حال اولماسون .
رحلتی -- هله دور باق .

خیفایه (سعاد) -- سزده شورایه صاقلانیکنز .
رحلتی -- امان بکا بر ضرری اولماسون .
خیفایه -- یوق آی افندیم ! نه ضرر کلیر . همان اوزانیکنز .

شوقرده شکزی ضبط ایدم ایجه دور و کز .

اون آلتنجی مجلس

خیفاء، جلما، رحلی، سعاد (صاقلی)

خیفاء — آه ! ایواهلر اولسون، یازقلر اولسون ! بونه قادار
ظلم باشمزه کلن آه !

جلما — نه در او خیفاء !

خیفاء — آه خاتمجم افندی اولدی ... اوت مرحوم
روحم تسلیم ایتدی .

جلما — عجب کرچکدن اولوب کیتدیمی ؟

خیفاء — ظاهر یاننده بولوندم . خیرلادی ، یتیشدم ،
طوتدم ، شیمدیجک کن دیسندن کچویردی . کیمسه طویوب
کورمدی . آه آه ... !

جلما — آه حمد اولسون بر آغیر یوک اوستمدن قالقدی .
سن دلمیسک نه کدرلنیورسک ؟

خیفاء — نه بیلیم . آغلامازلرمی یا ؟

جلما — آساوروق ! نه ضرر اولدی . او نیه یاراردی .
راحقسنز ، پیس ، موندار ، اوکسورور ، سومکورور ،
توکورور ، ترس ، نوبران . . او شاقلری کیجه کوندوز آزار

ایدر . اوندن نه کوردک . بن سنی چراغ ایدرم . کل کیمسه
طویمازدن ایشیمزه باقالم . کاغد وار ، آقچه وار قالدیرالم ،
ابتدا آناختارلر آلام .

رحلتی — دور یاواش خانم .

جلما — های آمان :

خیفای — وای مرحوم صاغ ایش !

رحلتی — وای محبتکز بومی ایشن مرثیه کزی دویدم .

مدحیه می دیکلهدم . آرتیق عقلم باشمه کلدی بن شیمدی
یاپاجغمی بیلیرم .

جلما — ایواه (قاچار)

اودیرنجی مجلس

رحلتی ، سعاد ، خیفای

سعاد — ای برادر نه بویورورسکز ؟

خیفای — آه ایچمه حالا اینان کلیور اماحالا سلامامک سسفی

ایشیدیورم چابوق ینه یاتیکز کوردم ، اونه دیر ، اونی ده تجربه
ایتمش اولورسکز .

اوده سکنجهی مجلسی

رحلتی ، سلما ، سعاد (کزلی) خیف

رحلتی - امان چوق اولویور . بکا برضرر کلسون .

خیفا - آه ایواهلر اولسون نه در بو باشمزه کلنلر . آه نه
اوغورسز کونلره قالدق .

سلما - امان خیفانهک وار ؟

خیفا - آه سزه کدرلی خبرم وار .

سلما - امان نه اولدی ؟

خیفا - ایشته بابا کز اولدی .

سلما - واه باباجغمی اولدی . ایواه اوکا نه اولدی . آه نه

درده گرفتار اولدم . واه باباجغم بر او واردی . اوده کیتدی .
هم بکا دارغین کیتدی . بن شیمدی نه ایده یم ، ناصل تسلی بولایم .

اوده طغوزجهی مجلسی

رحلتی ، خیف ، سلما ، عمادی

عمادی - امان نه اولدی خانم نه آغلیورسکنز ؟

سلما - آه عمرمده اک عزیز اولان سودیکم کیتدی .

باباجغم اولدی .

عمادی - یاربی . بو ناصل فجّه باشمزه کلدی . بونه ماتم

نه قادار یازیق اولدی . آه اونک آیاغنه دوشمکه کلیوردم .

سلما - افندم آرتق اونی سویله ییکز . بابام کیتدکن

صوگرا بکا دنیا حرام اولسون آه باباجم، سکا قارشى طور مشدم .
 عهدم اولسون شیمدی امریکی طوتایم . آرتیق آره وارمق
 لا قیردیسنى برداها ایتیم . الکی بر کردها اوپهیم باباجم .

رحلتی — آه اولادم ؟

سلما — های آمان !

رحلتی — کل کل قورقه بن اوله دم دوستی ، دوشمنی
 بیلدم . ماللی بولدم . جانم ، اولادک حالى ینه باشقه ایتمش .
 خیفا — آمان دوستلر مکرسه مرحوم ینه اوله مش ...
 سلما — آه نه صفالی حیرت ! افندم پدرم سزى ینه کوزلرم
 کوردی شکرلر اولسون اما جانم افندم بکا مرحمت ایت ،
 ایسته مدیکم بر آداهه ویرمه بیکز .

عمادی — افندم آیاغ کزه دوشدم . نیازلرمی قبول ایدوب
 بزه شفقت ایلیکز .

اون سکزنجی مجلس

رحلتی ، سعاد ، عمادی ، سلما ، خیفا

سعاد — برادر بوکا ناصل دایانیر سکزن .

رحلتی — ای جانم پلک ایی ؟ حکیم اولسونده قیزمی
 اوکا ویریم ، ایشته بو قادار .

عمادی — باش اوستنه ... طیب دکل اجزاجی اولایم ،
 جانمی ویریم ، تک بزی آیرماییکز .

سعاد — برادر خاطر مه کلیر که سزده طیب اولسه کز ..

خیفا — ایشته طیب اولورسه آرتق حدی وارسه خسته لقده

اونک یانه وارسون .. — صوک —

مولیہ رک آثارندن انتشار ایدنلر

غروش

۱۵ زور نکاحی مولیہ ر مترجی احمد و فیک پاشا

» » » ۲۰ زور کی طیب

» » » ۲۰ یورغا کی داندینی